



Na osnovu člana 34. stav (4) Zakona o izvršenju Budžeta Hercegovačko-neretvanskog kantona za 2025.godine („Službene novine HNK“, broj 4/2025) i Odluke o usvajanju Programa utroška dijela novčanih sredstava utvrđenih Budžetom HNK za 2025. godinu za Ministarstvo poljoprivrede, šumarstva i vodoprivrede s pozicije „Namjenska sredstva od naknada prikupljenih po osnovu prenamjene poljoprivrednog zemljišta“ broj: 01-1-02-1269/25 od 20.05.2025. godine, Ministarstvo poljoprivrede, šumarstva i vodoprivrede objavljuje

JAVNI POZIV

za dostavu projektnih prijedloga za uređenje i zaštitu poljoprivrednog zemljišta

I.

(Predmet Javnog poziva)

Predmet Javnog poziva je dostava projektnih prijedloga za uređenje i zaštitu poljoprivrednog zemljišta na području Hercegovačko-neretvanskog kantona u skladu sa Strategijom ruralnog razvoja HNK 2021.-2027.godina i Programom utroška dijela novčanih sredstava utvrđenih Budžetom HNK za 2025. godinu za Ministarstvo poljoprivrede, šumarstva i vodoprivrede s pozicije „Namjenska sredstva od naknada prikupljenih po osnovu prenamjene poljoprivrednog zemljišta“.

Projektne prijedloge po ovom Javnom pozivu mogu podnositi:

I.1. Fizička i pravna lica

II.

(Cilj Javnog poziva)

Cilj Javnog poziva je sufinansiranje projekata koji će pomoći ostvarenju Strateškog cilja 2. (SC2.) Osiguranje održivog upravljanja prirodnim resursima i prilagođavanje klimatskim promjenama-Prioritet 2.1. Održivo upravljanje zemljištem iz Strategije ruralnog razvoja HNK 2021.-2027.

Tlo je jedan od osnovnih prirodnih resursa koji se zbog dugotrajnog procesa nastanka može smatrati skoro neobnovljivim resursom. Zbog prirodnih ograničenja prostor HNK ima na raspolaganju oskudne količine obradivog poljoprivrednog zemljišta, te je održivo upravljanje ovim ograničenim dobrom jedan od prioriteta daljnjeg razvoja Kantona. Prioritet održivo upravljanje zemljištem ima za cilj unaprijediti racionalno korištenje, očuvanje i obnovu zemljišta, povećanje površina obradivog poljoprivrednog zemljišta i njegovog proizvodnog potencijala.

U okviru strateškog cilja 2. Osiguranje održivog upravljanja prirodnim resursima i prilagođavanje klimatskim promjenama-Prioritet 2.1. Održivo upravljanje zemljištem-

Mjera 2.1.2. Zaštita poljoprivrednog zemljišta i unapređenje iskoristivosti II i III agro zone

III.

(Raspored sredstava, pravo sudjelovanja i dokumentacija za sudjelovanje)

Iznos od 230.000,00 KM (slovima:dvijestotinetridesethiljada KM) za realizaciju projektnih prijedloga iz tačke I.1. „Fizička i pravna lica“ za prijedloge vezane za sufinansiranje sljedećih mjera uređenja i zaštite poljoprivrednog zemljišta koje mogu podnijeti fizička i pravna lica:

AGROTEHNIČKE MJERE:

- Krčenje i čišćenje zapuštenog poljoprivrednog zemljišta;
- Održavanje plodnosti tla (mineralna i organska gnojidba).

HIDROTEHNIČKE MJERE:

- Navodnjavanje poljoprivrednog zemljišta (izgradnja bušotine, izgradnja akumulacije);
- Odvodnja suvišne vode sa poljoprivrednih površina (izgradnja kanala, čišćenje kanala, drenaže i sl.).

Pravo sudjelovanja: imaju fizička i pravna lica koja imaju sjedište/prebivalište u Hercegovačko-neretvanskom kantonu, a upisani su u Registar poljoprivrednih gazdinstava/Registar klijenata prije objave Javnog poziva i bave se poljoprivrednom proizvodnjom na području HNK.

Obavezna dokumentacija koja se prilaže uz zahtjev je:

- a) dokaz o pravu korištenja zemljišta: ZK izvadak, katastarsko knjižni uložak, ugovor o zakupu zemljišta, ugovor o koncesiji zemljišta, a u slučaju suvlasništva rješenje o nasljeđivanju i ovjerene izjave suvlasnika da daju saglasnost da jedan od suvlasnika može podnijeti zahtjev (u rubrici "Dokumenti" u RPG treba biti vidljiv osnov korištenja zemljišta koje se predlaže za uređenje);
- b) kopiju katastarskog plana s označenom parcelom koja će se uređivati, a koja ne može biti manja od 0,5 ha za pravna lica, a 0,3 ha za fizička lica (izuzev za agrotehničku mjeru "održavanje plodnosti tla - mineralna i organska gnojidba" gdje je minimalna površina katastarske čestice koja se predlaže po Javnom pozivu 0,1 ha za fizička lica);
- c) Projekt predloženih mjera zaštite i uređenja poljoprivrednih zemljišta sa cijenom troškova potrebnih radova, a za mjeru "Održavanje plodnosti tla-mineralna i organska gnojidba" plan gnojidbe s naznakom poljoprivredne kulture zasađene na poljoprivrednom zemljištu koja se predlaže za uređenje, potrebnom vrstom i količinom gnojiva),
- d) uvjerenje o izmirenju poreznih obaveza podnosioca zahtjeva (samo za pravna lica) ;
- e) dokaz o upisu u Registar poljoprivrednih gazdinstava/Registar klijenata;
- f) podnosilac zahtjeva – pravno lice prilaže bilans stanja i bilans uspjeha, izvod iz sudskog registra i potvrdu Uprave za indirektno oporezivanje BiH o podmirenim obavezama (ukoliko pravno lice nije obveznik uplate indirektnih poreza izjavu da nije obveznik).

g) izjava da nema neizmirenih obaveza po osnovu ugovora o zakupu ili koncesiji poljoprivrednog zemljišta u državnom vlasništvu (provjeru tačnosti izjave vrši Zavod za zemljište).

Kriterije bodovanja po kojima će se vršiti bodovanje pristiglih prijava pravnih i fizičkih lica po Javnom pozivu sastavni su dio ovog Javnog poziva.

Najveći broj bodova koji se može ostvariti za projekat zaštite i uređenja zemljišta je 100 bodova. Ako pri ocjenjivanju projekta broj ostvarenih bodova bude 50 i manje bodova, prijava će biti odbačena.

Pravna i fizička lica imaju pravo po ovom Javnom pozivu kandidovati najviše jedan projekat.

Napomena:

*Ugovor o zakupu ili ugovor o koncesiji zemljišta u državnom vlasništvu koji je osnov za korištenje poljoprivrednog zemljišta koje se predlaže za uređenje i zaštitu mora biti zaključen u skladu sa odredbama Zakona o poljoprivrednom zemljištu ("Službene novine FBiH", broj 52/09) , odnosno u skladu sa odredbama Zakona o poljoprivrednom zemljištu HNK ("Službene novine HNK", broj 8/13 i 9/21).

Poljoprivredno zemljište koje bude uređeno u skladu sa mjerama po ovom Javnom pozivu mora se koristiti za poljoprivrednu proizvodnju najmanje pet narednih godina, što će biti predmet kontrole od strane Ministarstva.

Cilj provedbe agrotehničkih i hidrotehničkih mjera je da se podigne upotrebna vrijednost zemljišta, stepen uređenosti za kvalitetnu obradu poljoprivrednog zemljišta, stepen navodnjavanja i odvodnjavanja, osiguraju uslovi za specijaliziranu intenzivnu poljoprivrednu proizvodnju, spriječi dalji gubitak poljoprivrednog zemljišta, te osigura održavanje plodnosti tla pravilnom upotrebom gnojiva .

IV. Visina sredstava

Maksimalan iznos odobrenih sredstava za pravna lica je do 10.000,00 KM, a za fizička lica do 5.000,00 KM.

Visina novčanih sredstava iz stava (1) srazmjerno će se smanjiti ako ukupni zahtjevi za dodjelom sredstava budu prelazili raspoloživa sredstva.

V. Vrednovanje prijava (zahtjeva)

Vrednovanje dostavljenih prijava (zahtjeva) vršit će stručna komisija koju će posebnim rješenjem imenovati Ministar poljoprivrede, šumarstva i vodoprivrede HNK.

Svaki član komisije biti će isključen iz postupaka dodjele ukoliko se utvrdi da je u sukobu interesa u odnosu na podnosioc prijava, a podnosioci prijave imaju mogućnost prijaviti sumnju na postojanje sukoba interesa, o kojima će Ministar odlučivati pojedinačno po svakoj prijavi.

Kod odabira projekata uređenja i zaštite poljoprivrednog zemljišta koji će se sufinansirati sredstvima iz ovog Programa, prvenstvo će imati projekti koji budu kandidovani iz jedinice lokalne samouprave s čijeg područja su prikupljena veća sredstva.

VI. Rok za podnošenje prijava

Rok za podnošenje prijava po ovom Javnom pozivu je 20 dana od dana objave u „Oslobođenju” i „Večernjem listu”.

VII. Rok završetka projekta

Korisnik novčanih sredstava dužan je završiti poslove po projektu i o tome obavijestiti Ministarstvo najkasnije do 31.12.2025.godine podnošenjem Obrasca br.3. koji je sastavni dio ovog Javnog poziva.

Ukoliko poslovi po projektu ne budu završeni u roku iz stava (1) prenose se u narednu godinu, a novi rok završetka utvrdit će se aneksom na ugovor.

Ukoliko Korisnik podnese Obrazac 3 uz koji su fiskalni računi kojima Korisnik pravda sredstva dodijeljena po ovom Javnom pozivu, a komisija ustanovi na terenu da projekat nije u cijelosti dovršen, to će se zapisnički konstatovati, uz obavezu korisnika da po završetku projekta osigura ponovni izlazak komisije na teren radi utvrđivanja konačnog stanja projekta.

Napomena:

*Za agrotehničku mjeru “Održavanje plodnosti tla (mineralna i organska gnojidba)” zbog specifičnosti mjere, uzevši u obzir period kada se ovaj Javni poziv provodi, uvažit će se nabavka gnojiva koja je izvršena prije raspisivanja Javnog poziva, uz uslov da je izvršena u 2025.godini i u skladu sa procjenom stručne komisije.

**Ministarstvo ne snosi nikakve troškove u postupku prikupljanja i podnošenja prijava po ovom Javnom pozivu, te zadržava pravo prihvatiti ili odbiti prijavu (zahtjev), odgoditi realizaciju podrške i pri tome ne snosi bilo kakvu obavezu prema podnosiocima prijava (zahtjeva), ali je dužno obrazložiti razloge takve odluke.

***Sva navedena dokumenta, dostavljaju se u originalu ili ovjerenim fotokopijama ne starijim od 3 mjeseca.

****Ministarstvo nema obavezu povrata dostavljene dokumentacije. Nepotpune i neblagovremene prijave (zahtjevi) neće se uzeti u razmatranje.

Tekst Javnog poziva objavit će se na web stranici Ministarstva www.mpsv-hnz-k.ba

*****Prijave (zahtjevi) na Javni poziv (Obrazac 1. i Obrazac 2. koji su sastavni dio ovog Javnog poziva), sa navedenom dokumentacijom, dostavljaju se u zapečaćenim kovertama lično ili putem pošte na adresu:

**Bosna i Hercegovina
Federacija Bosne i Hercegovine
Hercegovačko-neretvanski kanton
Ministarstvo poljoprivrede, šumarstva i vodoprivrede HNK**

**Komisija za provođenje postupka po Javnom pozivu
Ul. Hrvatske mladeži b.b. Mostar,
sa naznakom „Prijava na Javni poziv za dodjelu sredstava u svrhu uređenja i
zaštite poljoprivrednog zemljišta- Projektni prijedlozi pod tačkom I.1. „Fizička i
pravna lica“ – ne otvarati ” .**

**VIII
(Završne odredbe)**

S korisnicima sredstava koji ispune uslove i kriterije za dodjelu sredstava iz Javnog poziva, Ministarstvo poljoprivrede, šumarstva i vodoprivrede HNK zaključit će ugovor o međusobnim pravima i obavezama.

Korisnici sredstava kojima budu odobrena sredstva obavezni su Ministarstvu poljoprivrede, šumarstva i vodoprivrede HNK dostaviti Izvještaj o namjenskom utrošku dodijeljenih sredstava s originalnom dokumentacijom na osnovu koje se dokazuje namjenski utrošak sredstava.

Utrošak sredstava pravdat će se fiskalnim računima za izvršene usluge ili nabavljene robe koje moraju odgovarati mjerama koje su odobene za sufinansiranje.

Informacije vezane za Javni natječaj mogu se dobiti svakim radnim danom u periodu od 9,00 do 11,00 sati na tel:+ 387 (0) 36 445-929; 36 445-928 i 36 445-920.

Broj: 07-20-694-4/25

Datum, 26.05.2025. godine

